

醉月山房詩草

溫州市圖書館藏



醉月山房詩草

雨後偕潘荻漁農部自疆遊禹羅山亭

我家羅山下日夕領佳趣坐對青山青  
翛然捐俗慮奈為貧賤驅覓食隨野鷺  
閑置樊籠中醜壘消何處我友潘黃門  
着屐枉相顧春言詣山亭斗酒作良晤  
積雨適初收泥濘溢芒屨行曲共躋攀  
行之日已暮倚檻眺郊原炊煙相迴  
自由徑長芳草林梢鎖薄霧嵐氣欲  
侵衣歸鴉噪古樹峰影漸迷離相看  
勞目注

泰順

胡希尹秋帆

高文藻屏囂校



醉月山房詩草

共 1 册 存 1 册 排架号. 08634



欲借龍眠筆尺幅寫謙素欲擬謝眺詩苦無驚人句  
 坐久且徘徊俯仰生慨慕君負超軼才馳驅向皇路  
 而我困風塵落拓猶未遇悠悠復悠悠幾被冠儒誤  
 安得乘長風弱水三千渡躡足蓬萊巔一獻凌雲賦

登大觀寺

極目俯滄溟乾坤此一亭氣吞甌海碧雲鎖洞天青  
 掃石題新句尋碑搨舊銘松風吹不斷靜聽響冷冷

嚴灘夜泊

霜花繞落蓼花秋七里灘頭夜泊舟我為秋深衣怕  
 冷擬從大澤借羊裘

江心寺謁文信國祠

破碎山河欲挽難夢魂飄泊逐流殘天亡趙氏孤誰  
 拯日落甌江水自寒一代忠貞埋碧血百年身世感  
 黃冠成仁取義平生事史筆長留萬古看

石門謁劉文成祠

玉筆金陵出先生道不虛空山此高卧石室藏奇書  
 世運分治亂風雲自卷舒至今遺像在仰止意如何

游江心寺

茫茫巨浪接滄溟一嶂飛來此暫停水勢遠將山寺  
 抱鐘聲敲共老龍聽渡頭色樹連江碧山外煙痕逼



海青最是月明風靜夜  
揮天雙塔峙瓏玲

西湖雜興

岳王墓下陣雲空  
蘇小墳前夕照紅  
為問湖山誰管領  
半歸兒女半英雄

過飛花嶺

括蒼山色淨於指  
煉日風光處處皆  
為愛道傍芳草  
賸踏槐先試踏青鞋  
風林掩映夕陽紅  
路轉峰迴曲通竟  
日筮輿行不住  
詩情多在亂山中

由永康乘箬過金華蘭溪

婺州城郭夕陽西  
一帶寒煙壓水低  
好是狂風蓬倒捲  
飽看山色到蘭溪

放鶴聽亭

人與鶴俱去  
翩然不可留  
孤山橫一角  
亭榭占千秋  
封禪書原絕  
吟梅句獨幽  
我懷林處士  
每到為停舟

江山船

生長江湖裏  
煙波處處宜  
浮家憐越女  
踏浪笑吳兒  
每日調金管  
連宵倒玉卮  
阿儂愁不減  
底事鎖雙眉

登吳山文昌閣

巍峩傑閣俯滄溟  
乘興登臨眼一醒  
牡蠣牆排千片



白鳳凰山擁四圍青樹延薄暝鴉爭噪鞭指斜陽馬  
欲停回首前遊纒十載幾人聚首慙飄零

重登大觀寺

石磴接千里登臨此大觀洞天雲渺渺甌海水漫漫  
泉咽鐘聲冷山橫夕照殘重來秋已暮長嘯倚闌干

答人問江心

一島凌空起江心景最幽烟光澹古剎蜃氣接層樓  
風入潮聲壯雲隨塔影浮登臨無限興底事訪仙洲

嚴子陵釣臺

高爵譬如竿厚祿譬如餌人為爵祿羈塵網焉能避

咄咄嚴子陵獨負過人智伏處大澤中不羨凌雲翅  
縱有故人知終守狂奴志泉石痾膏育軒冕何介意  
落落一羊裘物色豈能致至今高臺在清風猶遠被  
人謂彼釣名我謂彼遠利不見淮陰侯國士推無二  
拋置釣魚竿登壇立漢幟一朝良弓藏空灑英雄淚

葛嶺訪半間堂遺址

滿湖燈火望中收如此豪華世罕俦刻版書留名士  
韻木棉花惹相公愁倉皇已失貅龍勢戰鬥空餘螭  
蟀秋淒絕鷓鴣啼不住半間堂畔暮煙稠

擬張茂先勵志詩

用原韻



羲和攬轡宙合遨遊曜靈急節星紀迭周取材落實  
歲聿云秋日居月諸百歲如流  
天地綢緼羣生感化夕秀朝榮倏焉凋謝消息盈虧  
不靈晝夜時哉時哉曷為其舍  
鳥欲高飛必擊其羽蓄銳養精乃能健舉人不積學  
誰尋墮緒勗哉多士亟求先矩  
慨彼下流溺情放逸載笑載言既時愒日面友燕朋  
投若膠漆以此荒淫難言美質  
庖丁游刃舞中桑林師涓鼓瑟聲感鳴禽區區曲藝云  
應手得心道義淵海不濬胡深

箒歎陋巷富貴浮雲灼之以禮博之以文高堅肯以  
用力強勤頑苦瓦卓向道何殷  
鑑拭則明水止則清人而離道曷辭罔冥恢之愈廣  
積之愈盈勉崇實學毋盜虛聲  
譬彼章施必由素起譬彼察車必有輪始物曲人官  
初無二理積寸累銖跬步千里  
孟曰強恕孔曰安仁踐形是性惟吾陶鈞萃以去故  
是以取新日征月邁我師古人

看菊

秋光倏到野人家籬落蕭疏又只斜小飲不須邀客



共且分杯酒醉黃花

夜雨

燈影通窗青樓頭耐獨聽三更人寂一雨夜冷  
倚枕詩難就連宵夢欲醒披衣須早起檢點落瓦聲

送潘荻漁農部入都

鄉園休狎水雲寬知己相期豈一官佐治中興才不  
易徵歌下里和尤難科名後起超前輩文字今情結  
古歡猶憶雄設鷲四座幾年傾倒共杯盤

敢同臣朔傲侏儒此腹空枵飽也無似我生原嫌蕙  
直多君交不薄拘迂九霄翹首青雲近十載設心夜

雨俱記取出山酬遠志莫分廊廟與江湖

石門謁劉文成祠

玉筆金陵出先生道不虛空山此高卧石室藏奇書  
世運分治亂風雲自卷舒至今遺像在仰止意如何

遊山交寺

為踐溪山約扪蘿到古龕流泉喧谷口老樹倚窗南  
地僻雲常鎖樓高霧半含一聲鐘送響逸趣靜中參

又

初地何年濶逍遙快此心山橫殘日瘦寺抱白雲深  
孤塔浮烟鎖層岩野翠侵紅塵飛不到時聽老龍吟



擬謝靈運登永嘉綠嶂山詩

策杖躋高山幽棲訪石室乘興窮追探游匪終朝畢  
絕磴馮飛泉孤松抱勁質對巔峯更高連岩迳逾密  
烟霞澹夕暉林壑藏落日歷覽淹晨昏竒境多未悉  
眷念山阿人素履協貞吉雅懷濟勝具游蹤莫與匹  
何時共結茅洞天窺一坐對青山青雲入復雲出

冷泉亭

古壁馮冷湖山占一亭泉分西塢碧烟劃石門青  
小住塵懷滌相看醉眼醒詩情應共遠吟共老猿聽

晚步西湖

夕陽隱隱落湖西一帶寒烟壓水低偏是行人遊興  
足白堤纔過又蘇堤

擬東坡夜泛西湖五絕

薄醉閒吟夢不安金沙灘畔小盤桓當頭月色照如  
水十里湖光八夜看

湖光隱隱月垂垂月色湖光一樣奇寄語遊人間檢  
點團欒三五滿輪時

三五團欒桂影橫天教明月伴長庚扁舟剛向花間  
轉又聽湖樓弄笛聲

湖樓之外水茫茫四壁荷花送遠香一幅畫圖看不



足登臨漫說怕秋光  
秋光管領有坡仙渡水穿花月一川回首當年遊赤  
壁如今風景又依然

題桃花源圖

流水千古渡濱苑花紅占武陵春東風誤引漁郎  
入忙煞仙源洞裏人

桃花源記



溫州府 函 書 院